



Da la suprastanza cumünela

Pumpiers Plaiv - dumandas da multas 2017

Il cumandant da pumpiers ho fat üna glista da mulats per l'an 2017. La suprastanza cumünela ho da fer bun las dumandas da las multas. Tenor art. 12 dal uorden da pumpiers vegn relascho la multa. Las duos persunas sun dispensadas dal servezzan da pumpiers fintaunt ch'els sun in lur uffizi.

Societed da tregants - sustegn finanziel

Causa l'intenziun da fabricher ün implanta da tir regiunel Bos-chetta Plauna zieva cha las lavuors per implir la deponia sun glivredas es gnieu abolieu l'an 2009 l'implaunt da tir local. I'l fratep s'haun exprimidas las vschinaunchas limitrofas cunter la realisaziun d'ün implanta da tir regiunel. Zieva la radunanza cumünela dals 19 december 2016 ho la suprastanza cumünela fat elavurer il proget existent zieva avoir consulto üna delegaziun da tregants. Il proget redimensiuno ho la radunanza cumünela als 04.10.2017 sbütto. Düraunt ils ultims ses ans nüzgagaivan ils tregants l'implaunt da tir Suotarivas da la vschinauncha da Zuoz. Per pudair nüzgager l'implaunt da tir per ils prossems 10 ans e per recumpenser l'utilisaziun dals ans passos es gnieu giavüscho da la vschinauncha da Zuoz, cha la scoieted da tragntas da S-chanf ho da contribuir fr. 150'000.00 per la sanaziun da l'implaunt da tir a Suottarivas.

Cun sriver dals 22.12.2017 dumanda la societed da tregants S-chanf per üna acceptaziun dals cuosts da sanaziun da fr. 150'000.00. Impü es la societed d l'avis, cha la vschinauncha ho d'as parteciper vi dals cuosts da la gestiun cun fr. 60'000.00 pels prossems 10 ans.

La suprastanza cumünela decida da refüser quista dumanda. Traunter oter mnaivan seguaints fats a quista decisiun :

- I nu vain fat üngün pregüdizi per il sustegn da societeds.
- Scu aint la notizcha d'acta manzuno (consultaziun d'üna delegaziun da tregants) vegn desidero da la vschinanucha da S-chanf ün sustegn pels tergants da S-chanf per ün proget Suotarivas Zuoz premiss, cha'l proget Bos-chetta Plauna vegn perseguito inavaunt e suottamiss a la radunanza cumünela, eir scha la radunanza cumünela refüsescha quista varianta.

Permiss speciel per viedis a Griatschouls düraunt l'inviern

La suprastanza cumünela do a sar Curdin Joos la pussibilted da fer pista sü'l alp Griatschouls e da pudair realiser arrandschamaints da fondue scu ils ans passos cun ediziuns. La spüerta vain annunzcheda tres il büro da turissem da la vschinauncha da S-chanf.

Viedi da scoula

Il viedi da scoula in 9evla classa nu vegn in futur pü mno insembel cun las baselgias refurmeda e catolica. Cotres cha'l viedi culla baselgia vegn fat illa 9avla classa dess gnir fat ün viedi da scoula in 8avla classa. Ils cuosts per quist viedi dessan gnir in futur bügetos minch' an sur il conto da la scoula. La vschinauncha da S-chanf as partecipescha cun 4'500.00 tenor la clev da la scoula da la Plaiv. La suprastanza cumünela decida unanim d'aderir a quista dumanda.